

PHAU NTAUV QHIA KEV RAU
COV NIAM TXIV THIAB
COV THAWJ COJ UAS SAIB
XYUAS COV TUB HLUAS
NTXHAIS HLUAS





© 2001 los ntawm Intellectual Reserve, Inc.
Ceev txhua txoj cai
Luam tawm hauv Teb Chaws Amelikas

Pub txhais ua lus As Kiv: 1/04
Pub txhais ua lus Hmoob: 1/04
Kev txhais *Guidebook for Parents and Leaders of Youth (International Version)*
Hmong

TEJ YAM MUAJ NYOB HAUD

Tsab Xov los ntawm Thawj Pawg Thawj Tswj Hwm	1
Niam Txiv lub Luag Hauj Lwm	3
Cov Thawj Coj lub Luag Hauj Lwm	5
Kom Ntxiv Dag Zog rau cov Tub Hluas Ntxhais Hluas	7
Pawg Pov Thawj Hwj Aloos lub Khoos Kas <i>Duty to God</i>	9
Lub Ntsiab	9
<i>Duty to God</i> tej Hauj Lwm Pab Lwm tus Neeg	11
<i>Duty to God</i> tej Yam Ntxim Saib Ntxim Ua tom cov Hluas Kev Sib Koom	11
Kev Ua <i>Scouting</i>	11
Tej Ntaub Ntawv Pov Thawj thiab tus Nqi Zog	12
Kev Teev Ntawv	13
Kho lub Khoos Kas Kom Phim tus Neeg thiab tej Yam lub Cheeb Tsam Toob Kas	13
Cov Thawj Coj tej Kev Lav Ris	14
Lub Khoos Kas <i>Young Women Personal Progress</i>	15
Lub Ntsiab	15
Tej Yam Ua Tseem Ceeb thiab tej Hauj Lwm Pab	17
Tej Yam Ntxim Saib Ntxim Ua ntawm <i>Personal Progress</i> uas Ua Tau tom cov Hluas Kev Sib Koom	18
Tej Cim, daim Ntawv Pov Thawj, thiab Kev Hawm	18
Tej Yam uas cov Thawj Coj Yuav Tsum Ua Kom Ua Tiav Tau <i>Personal Progress</i>	19

Kho lub Khoos Kas Kom Phim tus Neeg thiab tej Yam lub Cheeb Tsam Toob Kas	19
Cov Thawj Coj tej Kev Lav Ris	20
Cov Hluas Kev Sib Koom	22
Lub Ntsiab.	22
Kev Npaj	22
Cov Hluas Kev Sib Koom lub Sij Hawm thiab tus Txheej Txheem.	23
Lub Ntsiab Lus rau Ib Xyoos	25
Tej Ntaub Ntawv uas Muaj Kev Pab Ntxiv.	26
Kev Qhia txoj Kev Ua Thawj Coj tej Ntsiab Cai rau cov Hluas	27

Nyob hauv phau ntawv qhia kev no, cov lus *ceg txheem ntseeg tus thawj tswj hwm* thiab *npis sov* kuj hais txog *koog chaw tus thawj tswj hwm* thiab *ceg ntseeg tus thawj tswj hwm* ib yam, thiab cov lus *ceg txheem ntseeg* thiab *pawg ntseeg* kuj piv tau rau *koog chaw* thiab *ceg ntseeg* ib yam thiab.

TSAB XO V LOS NTAWM THAWJ PAWG THAWJ TSWJ HWM

Nyob Zoo txog cov Niam Txiv thiab cov Thawj Coj uas Saib Xyuas cov Tub Hluas Ntxhais Hluas:

Peb hlub cov tub hluas ntxhais hluas ntawm lub Koom Txoos. Peb hawm lawv thiab saib lawv rau nqi cov uas yog peb Leej Txiv Saum Ntuj Ceeb Tsheej cov tub thiab cov ntxhais no. Lawv yog cov uas yuav rais los mus ua cov niam txiv thiab cov thawj coj hauv lub Koom Txoos nyob rau lub caij tom ntej. Peb thov Vajtswv kom peb cov uas yog niam thiab txiv thiab cov thawj coj yuav pab tau cov tub hluas ntxhais hluas kom rau siab ntseeg thiab coj ruaj nrees rau ntawm Yexus Khetos txoj moo zoo tom ntej mus.

Peb xav kom cov tub hluas ntxhais hluas ntawm lub Koom Txoos coj ncaj ncees thiab ruaj nrees ua Vajtswv cov tub qhe, rau rau siab ua neej txhua hnub kom lawv thiaj tsim nyog mus tom lub tuam tsev thiab txais Vajtswv tej koob hmoov loj tshaj plaws uas nws tau npaj tseg rau lawv. Yog li ntawd, peb tau xaiv lub tuam tsev los ua lub cim rau cov tub hluas ntxhais hluas ntawm lub Koom Txoos.

Cov ntawv *For the Strength of Youth; Aaronic Priesthood: Fulfilling Our Duty to God*; thiab *Young Women Personal Progress* pab cov tub hluas ntxhais hluas to taub saib Leej Txiv Saum Ntuj Ceeb Tsheej

xav kom lawv ua li cas thiab koj zoo li cas. Cov ntawv no yog ib qho uas nej, cov uas ua niam thiab txiv thiab thawj koj, siv tau kom pab cov hluas npaj txais qhov vaj txiaj ntsim, mus ua tub txib, sib yuav hauv lub tuam tsev, thiab ua niam thiab txiv.

Peb cia siab hais tias txhua tus tub hluas yuav txais tau qhov nqi zog *Duty to God Award*. Peb cia siab hais tias txhua tus ntxhais hluas yuav txais tau qhov nqi zog *Young Womanhood Recognition*. Tej yam uas cov hluas yuav tsum ua kom tau ob qho nqi zog no yeej nyuaj me ntsis tiam sis pab lawv heev. Peb ris cov niam txiv thiab cov thawj koj uas pab cov hluas ncav kom tau ob qho nqi zog no txiaj. Thov kom tus Tswv foom koob hmoov rau nej thaum nej pab cov hluas hauv lub Koom Txoos mus lawm tom ntej kom ua tiav tau lawv tej yam uas lawv lav ris ua tom ntej mus.

Thawj Pawg Thawj Tswj Hwm

NIAM TXIV LUB LUAG HAUJ LWM

Nej cov tub thiab cov ntxhais yog Vajtswv cov me nyuam uas yeej ua tau ntau yam zoo. Txawm hais tias lub Koom Txoos muaj thawj coj thiab tej ntaub ntawv pab ntau kom thiaj pab tau lawv los, nej cov uas ua niam thiab txiv muaj txoj kev lav ris thib ib kom pab lawv ua tau raws li qhov zoo. Lub Koom Txoos cov khoos kas thiab cov ntaub ntawv rau cov hluas, uas piav txog hauv phau ntawv qhia kev no, yog tsim kom pab nej pab nej cov me nyuam kawm tej kev txawj thiab tej cwj pwm uas lawv yuav tsum muaj kom thiaj ncav tau qhov zoo hauv lub neej no.



Nram qab no yog ob peb yam uas nej ua tau kom pab nej cov tub thiab cov ntxhais txais tau qhov kev pab loj tshaj los ntawm lub Koom Txoos tej khoos kas thiab cov ntaub ntawv rau cov hluas.

- Kawm tej ntaub ntawv xov xwm nyob hauv phau ntawv qhia kev no.
- Nrog lawv tshab xyuas phau ntawv *Kom Ntxiv Dag Zog rau cov Tub Hluas Ntxhais Hluas*. Nrog nej cov tub tshab xyuas phau ntawv *Aaronic Priesthood: Fulfilling Our Duty to God* rau cov dis kas, cov xib hwb, thiab cov pov thawj. Nrog nej cov ntxhais hluas tshab xyuas *Young Women Personal Progress*.
- Pab nej cov tub thiab cov ntxhais cuab thiab ncav kom tau tej hom phiaj uas yuav nyuaj me ntsis rau lawv thaum lawv ua hauj lwm kom ncav tau qhov nqi zog *Duty to God Award* los yog *Young Womanhood Recognition*. Yog tias nej pom zoo rau cov hom phiaj uas nej cov tub thiab cov ntxhais cuab ces lawv khwv tau tswv yim saib lawv yuav tsum ua li cas kom thiaj

ncav tau tej no raws li lawv lub siab nyiam thiab tej yam lawv toob kas.

- Nrog nej cov tub thiab cov ntxhais sib tham txog lawv tej kev ncav hom phiaj. Txhua lub sij hawm uas lawv ncav tau ib lub hom phiaj los yog ib qho hauj lwm, cia li qhuas tej yam uas lawv ua ntawd thiab xees nej lub npe rau ntawm qhov chaw yog hauv phau ntawv qhia kev rau *Aaronic Priesthood: Fulfilling Our Duty to God* los yog phau ntawv rau *Young Women Personal Progress*.
- Nrog nej cov me nyuam cov thawj coj ntawm pawg Pov Thawj Hwj Aloos thiab pawg Ntxhais Hluas sib tham. Nug cov thawj coj no saib lawv ua dab tsi hauv cov Hluas Kev Sib Koom thiab rau ntawm lwm yam ntxim saib ntxim ua hauv pawg thiab hoob kawm kom pab ntxiv dag zog rau nej cov tub thiab cov ntxhais. Yaum nej cov me nyuam koom cov Hluas Kev Sib Koom txhua lub lim piam.
- Thaum twg ua tau, cia li koom lub Koom Txoos tej kev sib ntsib uas nej cov tub thiab cov ntxhais yuav tau nqi zog.
- Yaum nej cov tub thiab cov ntxhais koom txoj kev kawm vaj lug kub qib nrab.

COV THAWJ COJ LUB LUAG HAUJ LWM

Ua ib tug thawj coj saib xyuas cov tub hluas thiab cov ntxhais hluas, koj muaj ib lub luag hauj lwm kom pab lawv kawm Yexus Khetos txoj moo zoo, txais ib zaj lus tim khawv, thiab ncau kom tau tej hom phiaj uas yuav coj lawv mus txais qhov nqi zog *Duty to God Award* los yog *Young Womanhood Recognition*. Koj tus yam ntxwv, thiab qhov uas koj yaum lawv thiab saib xyuas thiab tu lawv yuav muaj nuj nqis ntau rau cov hluas thaum lub sij hawm tseem ceeb hauv lawv lub neej no. Cia li kawm txog txhua tus tub hluas thiab ntxhais hluas thiab saib koj yuav tau ua li cas kom thiaj pab tau lawv zoo tshaj plaws.



Cov ntaub ntawv xov xwm txog lub Koom Txoos cov khoos kas rau cov hluas muaj nyob hauv *Church Handbook of Instructions, Book 2: Priesthood and Auxiliary Leaders*. Phau ntawv qhia kev no txhawb nqa cov ntaub ntawv xov xwm ntawd dhau los ntawm qhov uas:

- Txheeb xyuas lub Koom Txoos tej khoos kas ncau hom phiaj rau cov hluas–lub khoos kas *Aaronic Priesthood Duty to God* thiab lub khoos kas *Young Women Personal Progress*.
- Qhia ntaub ntawv xov xwm ntau dua hais txog cov Hluas Kev Sib Koom.
- Qhia ntaub ntawv xov xwm txog saib yuav ua li cas pab cov hluas txawj coj kev.

Peb yaum kom koj:

- Ua tib zoo nyeem cov ntaub ntawv xov xwm hauv phau ntawv qhia kev no.

- Nrog cov niam txiv ua hauj lwm ua ke kom pab foom koob hmoov thiab ntxiv dag zog rau cov tub hluas thiab cov ntxhais hluas. Thaum koj xub sib ntsib nrog cov hluas uas tab tom nkag ob lub khoos kas rau pawg Tub Hluas thiab pawg Ntxhais Hluas, muab lawv cov niam txiv ib phau ntawv qhia kev no thiab yaum kom lawv nyeem. Qhia cov niam txiv txog tej yam ntxim saib ntxim ua rau cov hluas, thiab caw cov niam txiv koom thaum twg tsim nyog muaj lawv koom.

- Nyeem phau ntawv *Kom Ntxiv Dag Zog rau cov Tub Hluas Ntxhais Hluas* thiab nruab tej kev cai no rau hauv koj lub neej thiab. Ua npaum li koj ua tau kom qhia tej kev cai rau cov hluas.



- Yog tias koj yog ib tug thawj coj rau cov tub hluas, cia li kawm *Aaronic Priesthood: Fulfilling Our Duty to God* cov ntawv qhia kev rau cov dis kas, cov xib hwb, thiab cov pov thawj. Yog tias koj yog ib tug thawj coj rau cov ntxhais hluas, cia li kawm phau ntawv *Young Women Personal Progress*.

KOM NTXIV DAG ZOG RAU COV TUB HLUAS NTXHAI S HLUAS

Phau ntawv *Kom Ntxiv Dag Zog rau cov Tub Hluas Ntxhais Hluas* yog ib phau ntawv qhia kev uas yog lub Koom Txoos Thawj Pawg Thawj Tswj Hwm muab rau cov tub hluas thiab cov ntxhais hluas. Phau ntawv no muaj lub Koom Txoos tej kev cai sau tseg thiab qhia cov hluas saib lawv yuav ua li cas nruab tau tej kev cai no hauv lawv lub neej. Phau ntawv no qhia kev kom paub tseeb thiab ntxiv dag zog rau cov hluas thiab coj lawv mus ntxeem kom dhau lub neej no. Thaum lawv ua raws li tej kev cai uas hais no, ces cov hluas yuav pab tau lub Koom Txoos thiab lub ntiaj teb thiab yuav tsim nyog mus tom lub tuam tsev thiab txais tej kab ke dawb huv.

Txhua tus tub hluas thiab ntxhais hluas yuav tsum muaj ib phau ntawv *Kom Ntxiv Dag Zog rau cov Tub Hluas Ntxhais Hluas* no. Cov thawj coj yuav tsum yaum kom lawv tshab xyuas tej kev cai no ntau thiab xav saib lawv coj raws li tej kev cai no zoo npaum li cas.

Ua niam thiab txiv, neb yuav tsum tau txais ib phau ntawv ntawd thiab. Cia li kawm phau ntawv ntawd. Nrog neb cov tub thiab cov ntxhais sib tham txog tej kev cai thiab tej ntsiab cai nyob haud. Npaj tej hmo nyob ua ke ua ib tse neeg kom sib tham txog tej kev cai no. Cia li ua raws li tej kev cai no thiab.



Neb tus yam ntxwv yuav ua tau ntau kom pab neb cov me nyuam ua neej raws li tej kev cai no thiab.


Yog tias koj yog ib tug thawj koj, koj yuav tsum kawm tej kev cai hauv phau ntawv thiab. Nrhiav kev kom qhia txog tej kev cai no thaum koj qhia thiab thaum muaj tej yam ntxim saib ntxim ua hauv pawg thiab hoob kawm. Phau ntawv *Kom Ntxiv Dag Zog rau cov Tub Hluas Ntxhais Hluas* yog ib yam tseem ceeb siv thaum npaj rau tej yam ntxim saib ntxim ua tom cov Hluas Kev Sib Koom.



PAWG POV THAWJ HWJ ALOOS LUB KHOOS KAS DUTY TO GOD

Lub Ntsiab

Pawg Pov Thawj Hwj Aloos lub khoos kas *Duty to God* pab cov tub hluas ncav tau tej hom phiaj ntawm lub Pov Thawj Hwj Aloos.



Lub khoos kas no tej hom phiaj thiab tej yam uas yuav tau ua yog txheeb tseg cia hauv cov ntawv qhia kev *Aaronic Priesthood: Fulfilling Our Duty to God* rau cov dis kas, cov xib hwb, thiab cov pov thawj. Cov tub hluas nrog lawv cov niam txiv thiab cov thawj coj hauv pawg pov thawj hwj ua hauj lwm kom cuab thiab ncav kom tau tej hom phiaj uas yuav pab lawv txais tau qhov Nqi Zog *Duty to God*.

Ib txhia hom phiaj no lawv ncav tau hauv tsev neeg, ho ib txhia ua kev nrog pawg pov thawj hwj, thiab ib txhia nyob ntawm tus tub hluas nkaus xwb. Piv txwv hais tias, ib tug dis kas yuav ncav tau tej hom phiaj nram qab no siv sij hawm li ob xyoos:

Tsev neeg: 7 lub hom phiaj hauv tsev neeg

Pawg: 7 lub hom phiaj hauv pawg pov thawj hwj los yog tom cov Hluas Kev Sib Koom

Tus kheej: Lub hom phiaj kom ncav tau tus tub hluas tus kheej nkaus xwb

Qhov kev pab

lwm tus neeg: Nyob ntawm saib tus tub hluas xav ua dab tsi

Cov tub hluas cuab tej hom phiaj rau lawv tus kheej hais txog ntawm plaub qhov kev loj hlob no: Kev Loj Hlob ntawm Sab Ntsuj Plig; Kev Loj Hlob ntawm lub Cev; Kev Loj Hlob ntawm Kev Kawm Ntaub Ntawv, Xyaum Ua Neeg Zoo Dua, thiab Kev Ua Hauj Lwm; thiab Kev Loj Hlob ntawm Kev Ua Pej Xeem thiab Phooj Ywg.

Daim phiaj nram qab no tshab xyuas lub Pov Thawj Hwj Aloos lub khoos kas ncau hom phiaj. Daim phiaj no muaj nyob hauv txhua tus tub hluas phau ntwav qhia kev kom pab nws ceev tseg saib nws ncau tau nws tej hom phiaj li cas.

YOUR DUTY TO GOD RECORD SHEET

Check or initial the appropriate box as you complete each section. Your bishop will sign your Completion of Duty to God page when you have completed the requirements in the following areas. Then you can receive your Duty to God certificate.

Priesthood Duties and Standards	
Family Activities	
Quorum Activities	
Personal Goals	
Spiritual Development	
Physical Development	
Educational, Personal, and Career Development	
Citizenship and Social Development	
Duty to God Service Project	
My Personal Journal	

Duty to God tej Hauj Lwm Pab Lwm tus Neeg

Txhua tus tub hluas yuav tsum ua tiav peb qho hauj lwm pab lwm tus neeg uas pab nws tsev neeg, nws pawg ntseeg, nws ceg txheem ntseeg, los yog koog zej zog. Ib qho hauj lwm pab yog ua thaum tus tub hluas yog ib tug dis kas, ib qho thaum ib tug xib hwb, thiab ib qho thaum ib tug pov thawj. Tus tub hluas yuav tsum khwv tswv yim txog, npaj, thiab ua tiav qhov hauj lwm no. Lwm tus neeg pab tau raws li tus tub hluas toob kas kev pab. Tus tub hluas niam thiab txiv thiab tus neeg sab laj nrog rau nws pawg pov thawj hwj yuav tsum pom zoo rau qhov hauj lwm no.



Duty to God tej Yam Ntxim Saib Ntxim Ua tom cov Hluas Kev Sib Koom

Peb yaum kom lub Koom Haum Tub Hluas pawg thawj tswj hwm thiab tej pawg tej pawg thawj tswj hwm khwv tswv yim rau tej yam ntxim saib ntxim ua tom cov Hluas Kev Sib Koom uas hais txog plaub txoj kev loj hlob tuaj: Kev Loj Hlob ntawm Sab Ntsuj Plig; Kev Loj Hlob ntawm lub Cev; Kev Loj Hlob ntawm Kev Kawm Ntaub Ntawv, Xyaum Ua Neeg Zoo Dua, thiab Kev Ua Hauj Lwm; thiab Kev Loj Hlob ntawm Kev Ua Pej Xeem thiab Phooj Ywg. Ua li no yuav pab cov tub hluas ua tiav tej hom phiaj uas coj lawv mus ncau rau tus nqi zog *Duty to God Award*.

Kev Ua Scouting

Hauv tej lub teb chaws, lub Cheeb Tsam pawg Thawj Tswj Hwm thiab lub Koom Txoos lub tsev hauv paus tau pom zoo rau *Scouting* ua ib feem ntawm lub Pov Thawj Hwj Aloos lub khoos kas rau tej yam ntxim saib ntxim ua. Nyob rau tej qho chaw uas

muaj li no ces, peb yaum kom cov tub hluas koom lub Pov Thawj Hwj Aloos lub khoos kas *Duty to God* thiab *Scouting* huv tib si.

Tej yam uas yuav tau ua thaum ua ib tug tub *Scout* yus yeej siv tau rau tib co hom phiaj rau yus tus kheej hauv lub Pov Thawj Hwj Aloos lub khoos kas *Duty to God*. Tus nqi zog *Duty to God* yog ib tug nqi zog ntawm lub pov thawj hwj, thiab muaj tej yam uas yuav tsum ua uas yuav pab cov tub hluas loj hlob tuaj rau ntawm sab ntsuj plig thiab ua tiav lawv tej hauj lwm ntawm lub pov thawj hwj.

Nyob rau tej qho chaw uas lub Koom Txoos tsis nrog Kev *Scouting* koom tes, ces cov thawj coj ntawm lub pov thawj hwj uas nyob ib ncig ntawd yuav txhim tsa tau ib lub khoos kas *Scouting* raws li tej kev cai nram qab no:

- Yuav tsum yog lub Cheeb Tsam pawg Thawj Tswj Hwm thiab lub Koom Txoos lub Tuam Rooj Tsav Xwm saib xyuas *Scouting* pom zoo rau txoj kev ua *Scouting* no.
- Lub khoos kas *Scouting* yuav tsum ua kom haum lub Koom Txoos tej tshooj lus teev cia, tej kev li kev cai, thiab tej ntsiab cai.
- Txoj kev ua *Scouting* no yuav tsum koom nrog lub Ntiaj Teb lub Koom Haum rau *Scout (World Organization of the Scout Movement)* thiab siv *Baden Powell* txoj Ntsiab Cai Sib Koom Tes Pab.

Tej Ntaub Ntawv Pov Thawj thiab tus Nqi Zog

Ib tug tub hluas twg yuav tsum ncav kom tau peb daim ntawv pov thawj *Duty to God*: ib daim thaum nws ua ib tug dis kas, ib daim thaum ua ib tug xib hwb, thiab ib daim thaum ua ib tug pov thawj (dis kas daim pov thawj, 36416; xib hwb daim, 36417; pov thawj daim, 36418). Tus tub hluas yuav txais tau ib daim ntawv pov thawj txhua lub sij hawm uas nws ua tiav tej yam uas txheeb tseg hauv ib phau ntawm peb phau ntawv qhia kev hu ua *Aaronic Priesthood: Fulfilling Our Duty to God*. Cov mej zeej hauv pawg npis sov cev tau txhua daim pov thawj no rau tus tub hluas hauv nws pawg pov thawj hwj txoj kev sib ntsib los yog thaum lub sij hawm qhib pawg pov thawj hwj loj txoj kev sib ntsib.

Thaum ib tug tub hluas txais tau tag nrho peb daim *Duty to God* lawm, nws mam li txais tau tus nqi zog *Duty to God Award*. Nws yuav tsum tau txais tus nqi zog no ua ntej nws nto hnuv nyoog 19 xyoos. Tus nqi zog no yog ib daim ntawv pov thawj (36419) thiab ib lub kib (81334). Ib tug mej zeej ntawm pawg npis sov cev tau tus nqi zog no rau tus tub hluas thaum txoj kev sib ntsib noj lub cim nco txog los tau.

Yuav cov ntawv pov thawj thiab cov kib nqi zog los ntawm lub Koom Txoos ib lub tsev xa khoom siv pawg ntseeg los yog ceg ntseeg cov nyiaj txiag los tau, kom cov tub hluas los yog lawv niam txiv tsis tas them nqi dab tsi li.

KeV Teev Ntawv

Peb yaum cov tub hluas kom ceev lawv cov ntawv qhia kev no ua ib co ntawv teev saib lawv tau loj hlob tuaj li cas. Tej zaum cov neeg uas pab sab laj rau pawg pov thawj hwj yuav xav teev tseg saib txhua tus tub hluas tau loj hlob tuaj li cas thiab kom thiaj txhawb nqa tau nws (saib *Aaronic Priesthood Duty to God Achievement Record* ([36720])). Qhov uas ua ntau dua qhov no tsis tas ua.

Kho lub Khoos Kas Kom Phim tus Neeg thiab tej Yam lub Cheeb Tsam Toob Kas

Tej yam uas txheeb tseg hauv cov ntawv *Aaronic Priesthood: Fulfilling Our Duty to God* yeej kho tau los yog hloov tau nyob ntawm saib tus neeg los yog lub cheeb tsam zoo li cas, nyiam li cas, los yog toob kas li cas yog tias tau txais kev pom zoo los ntawm cov niam txiv thiab cov thawj coj ntawm lub Pov Thawj Hwj Aloos lawm. Thaum twg cov thawj coj txiav txim siab hloov tej yam no rau ib tug neeg xwb, lawv yuav tsum ua tib zoo xav saib tej kev hloov ntawd yuav ua rau cov tub hluas i xav li cas. Tom qab uas cov niam txiv thiab cov thawj coj ua tib zoo xav mus xav los, ces tej zaum yuav tsim nyog hloov tej yam uas yuav tsum ua no kom thiaj pab tau cov tub hluas uas xiam hoob khab los yog kawm ntawv tsis tau zoo, los yog kom ua haum ib haiv neeg tej kev li kev cai los yog ib tug tej kev toob kas, los yog kom cia cov tub hluas uas tseem tsis tau yog mej zeej thiaj koom tau.

Ib tug xib hwb los yog pov thawj uas tsim nyog thiab uas tsis tau txais ib los yog ob daim pov thawj *Duty to God* ua ntej ntawd tseem ncav tau tus nqi zog *Duty to God* thaum nws ua tiav (1) tag nrho tej yam uas yuav tsum ua rau daim pov thawj rau ib tug pov thawj thiab (2) tej yam ntxim saib ntxim ua hauv tsev neeg thiab hauv pawg pov thawj hwj thiab tej hom phiaj rau nws tus kheej los ntawm ob daim ntawv pov thawj ua ntej ntawd (tsuas yog tsis tas ua tej hauj lwm pab lwm tus neeg, tej kev hais lus, thiab tej kev qhia hauv tsev neeg hmo ua ke rau ob daim ntawv pov thawj ua ntej ntawd xwb).

Cov Thawj Coj tej Kev Lav Ris

Cov mej zeej ntawm pawg npis sov lav ris qhov uas qhia cov tub hluas lawv tej hauj lwm ntawm lub pov thawj hwj thiab kom pab lawv ncav tau lawv tus nqi zog *Duty to God*. Lub Koom Haum Tub Hluas pawg thawj tswj hwm pab pawg npis sov cov mej zeej. Lub Koom Haum Tub Hluas pawg thawj tswj hwm yuav tsum ua kom tau hais tias cov tub hluas muaj cib fim thaum sib ntsib hauv pawg thiab thaum muaj tej yam ntxim saib ntxim ua kom ncav tau tej hom phiaj uas lawv yuav tsum ncav kom tau ua ib pawg.

Ze rau lub sij hawm uas ib tug tub hluas yuav nto hnuv nyoog 12 xyoos, ces ib tug mej zeej ntawm pawg npis sov thiab ib tug mej zeej ntawm pawg dis kas pawg thawj tswj hwm yuav nrog tus tub hluas thiab nws niam txiv sib ntsib sib tham. Nkawd yuav muab ib phau *Aaronic Priesthood: Fulfilling Our Duty to God* rau cov dis kas rau tus dis kas tshiab thiab qhia nws saib nws yuav ua hauj lwm li cas. Yeej yuav tsum muaj tej kev sib ntsib sib tham li no thaum ib tug tub hluas raug tsa los ua tej hauj lwm ntawm ib tug xib hwb thiab ib tug pov thawj.

Peb yaum kom cov mej zeej ntawm pawg npis sov siv lawv tej kev xam phaj cov tub hluas raws caij kom tshab xyuas saib cov tub hluas txhua tus loj hlob tuaj li cas. Ceg txheem ntseeg cov thawj tswj hwm yuav tsum ua tib zoo noog cov npis sov raws caij hais txog saib cov tub hluas hauv lawv tej pawg ntseeg nyob li cas thiab loj hlob tuaj li cas.

LUB KHOOS KAS YOUNG WOMEN PERSONAL PROGRESS


Lub Ntsiab

Lub khoos kas *Young Women Personal Progress* pab txhua tus ntxhais hluas to taub saib Vajtswv lub siab xav kom tau li cas rau nws, yaum nws kom ceev Nws tej lus txib, thiab npaj nws kom khi thiab ceev tej kev sib khi dawb ceev hauv lub tuam tsev. Lub khoos kas no npaj kev rau nws pab nws tsev neeg tam sim no thiab npaj rau nws tej kev lav ris tom ntej ua ib tug poj niam thiab niam tsev uas ua ruaj nrees, thiab ua ib tug thawj coj hauv lub Koom Txoos. Thiab lub khoos kas no npaj tus ntxhais hluas kom thiaj txais tau nws tus nqi zog *Young Womanhood Recognition*.



Lub khoos kas no tej hom phiaj thiab tej yam uas yuav tsum ua yog txheeb tseg hauv phau ntawv *Young Women Personal Progress*. Cov ntxhais hluas nrog lawv niam txiv thiab cov thawj coj ntawm lub Koom Haum Ntxhais Hluas ua hauj lwm kom cuab thiab ncav tau tej hom phiaj uas yog lub Koom Haum Ntxhais Hluas xya qhov kev tsim txiaj ua lub hauv paus. Ib tug ntxhais hluas twg yuav tsum ua tiav rau yam (Value Experience) hais txog xya qhov kev tsim txiaj no. Tej yam uas tus ntxhais hluas ua no yog npaj kom pab nws to taub txhua qhov kev tsim txiaj thiab tej ntsiab cai ntawm txoj moo zoo uas nyob nrog tej kev tsim txiaj ntawd. Ces nws mam li ua tiav ib qho Hauj Lwm Tsim Txiaj (Value Project) kom thiaj nruab tau tej yam uas nws kawm rau hauv nws lub neej. Thiab tus ntxhais hluas yuav sim ua raws li tej kev cai uas txheeb tseg hauv phau ntawv *Kom Ntxiv Dag Zog rau cov Tub Hluas Ntxhais Hluas*.

Daim phiaj nram qab no tshab xyuas lub khoos kas *Young Women Personal Progress*. Muaj ib daim phiaj li no hauv txhua phau ntawv *Young Women Personal Progress* uas siv tau kom soj qab saib ib tug ntxhais hluas ua tau li cas lawm.



PERSONAL PROGRESS RECORD SHEET

		Faith	Divine Nature	Individual Worth	Knowledge	Choice and Accountability	Good Works	Integrity
<i>Value Experience</i>								
<i>Value Experience</i>								
<i>Value Experience</i>								
<i>Value Experience</i>								
<i>Value Experience</i>								
<i>Value Experience</i>								
<i>Value Project</i>								

Young Womanhood Recognition _____ *Date* _____

In the boxes above, write the number of the experience you completed.

Tej Yam Ua Tseem Ceeb thiab tej Hauj Lwm Pab

Cov ntxhais hluas ua tej hauj lwm hauv lub khoos kas *Personal Progress* raws li lawv ua tau tiam sis yuav tsum sim kom laug lawv txoj kev loj hlob me ntsis kom lub khoos kas thiaj li kav tau tag nrho lub sij hawm uas lawv koom lub Koom Haum Ntxhais Hluas. Peb xav hais tias ib tug ntxhais hluas twg yuav ua tiav qhov tsawg kawg nkaus cuaj yam tseem ceeb los yog hauj lwm pab txhua xyoo.

Tej tshooj lus teev cia nram qab no yog pab kom ua tau tiav tej Yam Tseem Ceeb thiab tej Hauj Lwm Pab:

- Cov ntxhais hluas ua tej hauj lwm ntawm tej yam tsim txiaj no raws li ib tug txheej txheem twg los tau. Lawv yuav tsum ua tiav rau yam tseem ceeb rau ib qho kev tsim txiaj ua ntej lawv ua qhov hauj lwm pab rau qhov kev tsim txiaj ntawd.
- Peb hais tias kom tsis txhob muab tej Hauj Lwm Pab rau ib qho Kev Tsim Txiaj ua ke ua ib qho. Txawm yog li ntawd los, yog tias ib tug ntxhais hluas xav ua ib qho hauj lwm pab loj tsawv uas duav tau ntau tshaj ib qho hauj lwm pab, nws yuav tsum siv qhov tsawg kawg nkaus kaum teev rau ib qho kev tsim txiaj. Tib kaum teev ntawd yus suav tsis tau rau ntau tshaj ib qho Hauj Lwm Pab Tseem Ceeb.
- Cov ntxhais hluas ua tej kev hauj lwm pab no ua ke los tau. Tiam sis, ib tug ntxhais hluas yuav tsum siv qhov tsawg kawg nkaus kaum teev ntawm nws lub sij hawm yog tias nws suav qhov hauj lwm pab ntawd rau nws qhov kev *Personal Progress*.
- Tej yam zoo uas cov ntxhais hluas ua tom tsev, tom lub koom txoos, tom lub tsev kawm ntawv, tom lub tsev kawm vaj lug kub qib nrab, thiab hauv koog zej zog yuav suav tau rau tej yam uas lawv yuav tsum ua rau lub khoos kas *Personal Progress* yog tias cov niam txiv los yog lub Koom Haum Ntxhais Hluas cov thawj coj pom zoo rau ua ntej tso.

Yog tias ib tug ntxhais hluas ua tiav lub khoos kas *Personal Progress* ua ntej nws nkag lub Koom Haum Niam Tsev, nws tseem koom tau tej yam uas lub Koom Haum Ntxhais Hluas ua. Nws ua tiav tau tej Yam Tseem Ceeb thiab tej Hauj Lwm Tseem Ceeb ntxiv, sau nws zaj keeb kwm, nyeem Phau Ntawv Maumoos, ua tej hauj lwm ua ib tug thawj coj, thiab pab lwm tus ntxhais hluas uas tseem tab tom ua tej yam rau lub khoos kas *Personal Progress*.

Yog tias ib tug ntxhais hluas tsis tau ua tiav tag nrho tej yam uas nws yuav tsum ua rau lub khoos kas Loj Hlob ntawm tus Kheej ua ntej nws tso lub Koom Haum Ntxhais Hluas tseg, ces nws tseem ua hauj lwm tom ntej kom txais tus nqi zog *Young Womanhood Recognition* mus txog thaum nws nto hnuv nyoog 19 xyoos.

Tej Yam Ntxim Saib Ntxim Ua ntawm *Personal Progress* uas Ua Tau tom cov Hluas Kev Sib Koom

Tej lub sij hawm tej yam ntxim saib ntxim ua ntawm *Personal Progress* ua tau tom cov Hluas Kev Sib Koom thiab. Tej yam ntxim saib ntxim ua ua ib pawg yuav tsum ua tib zoo thov Vajtswv thiab npaj thiab xaiv kom paub tseeb hais tias lub khoos kas *Personal Progress* tseem yog ib qho uas pab txhua tus ntxhais hluas tiag.

Tej Cim, daim Ntawv Pov Thawj, thiab Kev Hawm

Thaum ib tug ntxhais hluas ua tiav tej yam tseem ceeb thiab ib qho hauj lwm pab rau txhua qhov kev tsim txiaj, nws txais ib lub cim (36654) uas nws muab lo rau nws daim *Personal Progress Achievement Certificate* uas nyob hauv nws phau ntawv tom kawg. Lub cim no muab tau rau ib tug ntxhais hluas thaum lub Koom Haum Ntxhais Hluas sib ntsib los tau.

Thaum ib tug ntxhais hluas ua tiav nws tej hauj lwm rau tag nrho xya qhov kev tsim txiaj thiab tus npis sov tau xam phaj nws lawm, nws txais tau tus nqi zog *Young Womanhood Recognition*. Qhov kev hawm no yog ib daim ntawv pov thawj

(36651) thiab lub meej yim *Young Womanhood* ua xim kub los yog xim nyiaj (kub, 36652, nyiaj, 36653). Ib tug mej zeej ntawm pawg npis sov muab qhov nqi zog *Young Womanhood Recognition* rau tus ntxhais hluas hauv ib txoj kev sib ntsib noj lub cim nco txog.

Yuav tau cov nqi zog thiab cov ntawm pov thawj no los ntawm lub Koom Txoos ib lub tsev xa khoom siv pawg ntseeg cov nyiaj txiag los tau, kom cov ntxhais hluas los yog lawv niam txiv tsis tas them nqi dab tsi li.

Tej Yam uas cov Thawj Coj Yuav Tsum Ua Kom Ua Tiav Tau *Personal Progress*

Cov thawj coj uas koom ua lub khoos kas *Personal Progress* to taub lub khoos kas no zoo dua thiab ua ib tug yam ntxwv zoo rau cov ntxhais hluas ua raws li. Cov thawj coj txais tau tus nqi zog *Young Womanhood Recognition* tom qab lawv:

- Ua hauj lwm ua ib tug thawj coj hauv lub Koom Haum Ntxhais Hluas kom puv ib xyoos tag nrho.
- Ua tiav peb Yam Tseem Ceeb uas yuav tsum ua rau xya qhov kev tsim txiaj.
- Ua tiav peb qho Hauj Lwm Pab Tseem Ceeb.

Kho lub Khoos Kas Kom Phim tus Neeg thiab tej Yam lub Cheeb Tsam Toob Kas

Tej Yam Tseem Ceeb thiab tej Hauj Lwm Pab Tseem Ceeb yeej kho tau los yog hloov tau nyob ntawm saib tus neeg los yog lub cheeb tsam zoo li cas, nyiam li cas, los yog toob kas li cas yog tias tau txais kev pom zoo los ntawm cov niam txiv thiab cov thawj coj ntawm lub Koom Haum Ntxhais Hluas lawm. Thaum twg cov thawj coj txiav txim siab hloov tej yam no rau ib tug neeg xwb, lawv yuav tsum ua tib zoo xav saib tej kev hloov ntawd yuav ua rau cov ntxhais hluas i xav li cas. Tom qab uas cov niam txiv thiab cov thawj coj ua tib zoo xav mus xav los, ces tej zaum yuav tsim nyog hloov tej yam uas yuav

tsum ua no kom thiaj pab tau cov ntxhais hluas uas xiam hoob khab los yog kawm ntawv tsis tau zoo, los yog kom ua haum ib haiv neeg tej kev li kev cai los yog ib tug tej kev toob kas, los yog kom cia cov ntxhais hluas uas tseem tsis tau yog mej zeej thiaj koom tau.

Yog tias ib tug ntxhais hluas koom lub Koom Txoos los yog rov qab tuaj koom lub Koom Haum Ntxhais Hluas tom qab nws muaj hnub nyoog 16 xyoo, tej yam uas nws yuav tsum ua kom thiaj ua tau lub khoos kas *Personal Progress* tiav yog (1) ua neej nyob raws li tej kev cai hauv *Kom Ntxiv Dag Zog rau cov Tub Hluas Ntxhais Hluas*, uas tus npis sov los yog ceg ntseeg tus thawj tswj hwm ntsuam xyuas thaum xam phaj nws, (2) ua tiav peb Yam Tseem Ceeb los ntawm xya qhov kev tsim txiaj, thiab (3) ua tiav qhov Hauj Lwm Pab Tseem Ceeb rau xya qhov kev tsim txiaj txhua qhov. Tej zaum tej yam uas yuav tsum ua no yuav muaj rau lwm cov ntxhais hluas thiab raws li lub Koom Haum Ntxhais Hluas cov thawj coj txiav txim siab li cas.

Cov Thawj Coj tej Kev Lav Ris

Lub Koom Haum Ntxhais Hluas cov thawj coj yuav tsum nrog txhua tus ntxhais hluas uas yuav nkag los koom lub Koom Haum Ntxhais Hluas thiab nws niam txiv sib ntsib ua ke. Ib tug mej zeej ntawm tus ntxhais hluas hoob pawg thawj tswj hwm kuj koom txoj kev sib ntsib no los tau thiab. Cov thawj coj yuav tsum muab ib phau ntawv *Young Women Personal Progress* rau nws thiab piav saib lub khoos kas mus zoo li cas. Lawv yuav tsum yaum ob niam txiv nrog nkawd tus ntxhais ua hauj lwm pab nws xaiv thiab ua tiav tej yam tseem ceeb thiab tej qho hauj lwm pab tseem ceeb ntawm *Personal Progress* no. Tsis tas li ntawd xwb, lawv yuav tsum caw ob niam txiv tuaj koom txhua lub khoos kas uas nkawd tus ntxhais yuav koom thiab.

Thaum ib tug ntxhais hluas ua tiav tag nrho lub khoos kas *Personal Progress*, tus npis sov mam li xam phaj nws, siv tej kev cai hauv phau ntawv *Kom Ntxiv Dag Zog rau cov Tub Hluas*

Ntxhais Hluas ua ib qho uas coj kev rau nws cov lus nug. Qhov no yeej ua ib feem ntawm qhov kev xam phaj tus ntxhais hluas thaum lub xyoo tas los yog thaum tas rau hli lawm los tau thiab. Tus npis sov mam li txiav txim siab saib tus ntxhais hluas puas tsim nyog txais tus nqi zog *Young Womanhood Recognition*.

Peb yaum kom cov mej zeej ntawm pawg npis sov siv lawv tej kev xam phaj cov ntxhais hluas raws sij hawm kom tshab xyuas saib txhua tus ntxhais hluas txhua tus loj hlob tuaj li cas. Ceg txheem ntseeg cov thawj tswj hwm yuav tsum ua tib zoo nug cov npis sov raws caij hais txog saib cov ntxhais hluas hauv lawv tej pawg ntseeg nyob li cas thiab loj hlob tuaj li cas thiab.



COV HLUAS KEV SIB KOOM

Lub Ntsiab

Cov tub hluas thiab cov ntxhais hluas yuav tsum muaj ib hmo uas lawv sib ntsib ua ke txhua lub lim piam kom ua tej yam ntxim saib ntxim ua uas hu ua cov Hluas Kev Sib Koom no, tsuas yog tias muaj qhov uas yuav tau taug kev deb los yog vim yog lwm yam thiaj tsis muaj xwb. Qhov uas ua tib zoo npaj tej yam ntxim saib ntxim ua tom cov Hluas Kev Sib Koom yog ib qho tseem ceeb heev rau cov hluas lub neej. Cov Hluas Kev Sib Koom muab ib lub cib fim rau cov hluas kom sib ntsib ua ke rau ntawm ib qho chaw uas tib neeg sib sau ua ke, xyaum tej ntsiab cai ntawm txoj moo zoo uas tau kawm thaum Hnub Xya, ntxiv dag zog rau lawv tej zaj lus tim khawv, ua hauj lwm pab lwm tus neeg, xyaum nrog lwm tus neeg sib raug zoo thiab sib txuas lus zoo, thiab cev tes mus pab cov hluas uas tsis tshuaj tuaj koom lub koom txoos. Cov Hluas Kev Sib Koom kuj pab lawv ncav tau lawv tus nqi zog *Duty to God* thiab *Young Womanhood Recognition* thiab.

Kev Npaj

Raws li tej kev coj kev los ntawm pawg npis sov, pawg ntseeg pawg thawj tswj hwm ntawm lub Koom Haum Tub Hluas thiab



lub Koom Haum Ntxhais Hluas saib xyuas cov Hluas Kev Sib Koom no. Tej hoob tej pawg thawj tswj hwm, cov neeg pab sab laj, thiab cov kws tshwj xeeb kuj pab tau lawv thiab. Lawv tej tswv yim npaj yog pom zoo rau hauv pawg npis sov tej kev sib ntsib nrog cov hluas.

Cov Hluas Kev Sib Koom lub Sij Hawm thiab tus Txheej Txheem

Cov Hluas Kev Sib Koom yog muaj nyob rau ib hnuv los yog ib hmo uas tsis yog hnuv xya los yog hnuv ib thiab yog tias ua tau, yuav tsum muaj thaum tib hnuv, tib lub sij hawm, thiab tib qho chaw txhua lub lim piam. Feem ntau, cov Hluas Kev Sib Koom yuav tsum yog ntev li 1 mus rau 1 1/2 teev thiab muab sij hawm teem ua tej yam nram qab no:

- Tej yam ua thaum qhib kev (10 mus rau 15 feeb)
- Yam ntxim saib ntxim ua hauv hoob los yog pawg (30 mus rau 75 feeb)
- Kev xyaum los yog yam ntxim saib ntxim ua ua ke (ib yam uas xaiv ua los tsis ua los tau; 30 feeb)

Tej Yam Ua Thaum Qhib Kev. Ib tug mej zeej ntawm pawg npis sov los yog ib tug mej zeej ntawm lub Koom Haum Tub Hluas los yog lub Koom Haum Ntxhais Hluas ob pawg thawj tswj hwm yog tus neeg uas saib xyuas tej yam uas ua thaum qhib kev. Hoob *Laurel* pawg thawj tswj hwm thiab tus npis sov ob tug neeg pab pawg pov thawj sib pauv nab thib coj kev rau tej no. Tej yam ua thaum qhib kev no yuav tsum muaj kev hu nkauj thiab kev thov Vajtsv thiab tej zaum muaj tau neeg hais lus, ntaus nkauj, kev xyaum hu nkauj tshiab, thiab tej cib fim rau cov hluas muab lawv tej txuj ci rau sawv daws saib thiab hais lus tim khawv rau sawv daws.

Tej Yam Ntxim Saib Ntxim Ua hauv Hoob los yog Pawg. Feem ntau tej yam ntxim saib ntxim ua uas yog pawg Pov Thawj Hwj Aloos thiab Koom Haum Ntxhais Hluas ua ua ke muaj ib hlis ib zaug. Lwm zaus ces siv rau lub Koom Haum Ntxhais Hluas tej yam

ntxim saib ntxim ua hauv hoob thiab pawg Pov Thawj Hwj Aloos tej yam ntxim saib ntxim ua hauv pawg, nyias ua nyias ib, yam. Qee zaum muaj tau tej yam ntxim saib ntxim ua rau ib ob hoob ntawm lub Koom Haum Ntxhais Hluas ua ke nrog ib ob pawg ntawm pawg Pov Thawj Hwj Aloos, suav tej yam ntxim saib ntxim ua uas suav tej niam txiv los yog tsev neeg thiab. Qee zaum, thaum muaj ib lim piam thib tsib hauv ib lub hli, ces ib pawg ntseeg los yog ceg ntseeg muaj ib yam ntxim saib ntxim ua uas suav tag nrho ib tug hluas tsev neeg los tau thiab. Tej yam ntxim saib ntxim ua no yuav tsum ua raws li pawg saib xyuas tej yam ntxim saib ntxim ua kev coj.

- Yam ntxim saib ntxim ua uas yog pawg Pov Thawj Hwj Aloos thiab lub Koom Haum Ntxhais Hluas ua ua ke yog ib lub cib fim rau tag nrho cov hluas hauv ib pawg, hnub nyoog 12 xyoos mus rau 18 xyoo, koom ua ke ua tej yam zoo, thiab tsis yog kev sib tham, uas lawv ua hauj lwm thiab kawm tau ua ke thiab ib leeg txhawb nqa ib leeg kom coj tau raws li txoj moo zoo tej ntsiab cai. Yuav tsum yog pawg npis sov pawg hluas teem thiab tshab xyuas tej yam ntxim saib ntxim ua ua ke no thiab yuav tsum yog pawg npis sov coj kev rau tag nrho tej yam no.
- Tej yam ntxim saib ntxim ua rau lub Koom Haum Ntxhais Hluas yuav tsum muaj tej yam los ntawm tej yam nram qab no: kev ua hauj lwm pab lwm tus neeg; tej txuj ci saib xyuas ib lub tsev; kev hu nkauj, kev hais lus, thiab kev ua yeeb yam; tej kev sau ntawv thiab kos duab; kev pw hav zoov; tej kis las thiab kev kom tes taw; thiab *Personal Progress*. Cov ntxhais hluas yuav tsum kawm tej txuj ci uas yuav npaj lawv rau lawv lub luag hauj lwm hauv tsev neeg, lub Koom Txoos, thiab koog zej zog. Tej yam ntxim saib ntxim ua yuav tsum pab txhua tus ntxhais hluas to taub thiab nruab tau lub Koom Haum Ntxhais Hluas tej Kev Tsim Txiaj hauv lawv lub neej.
- Pawg Pov Thawj Hwj Aloos tej yam ntxim saib ntxim ua yuav tsum pab txhua tus tub hluas ncav tau tej hom phiaj ntawm

lub Pov Thawj Hwj Aloos dhau los ntawm kev pab nws ua tej yam hais txog plaub qho kev loj hlob tuaj raws li txheeb tseg hauv cov ntawv *Aaronic Priesthood: Fulfilling Our Duty to God*: Kev Loj Hlob ntawm Sab Ntsuj Plig; Kev Loj Hlob ntawm lub Cev; Kev Loj Hlob ntawm Kev Kawm Ntaub Ntawv, Xyaum Ua Neeg Zoo Dua, thiab Kev Ua Hauj Lwm; thiab Kev Loj Hlob ntawm Kev Ua Pej Xeem thiab Phooj Ywg

Nyob hauv tej qhov chaw uas tso cai tias muaj tau *Scouting* los siv ua ib feem ntawm Pawg Pov Thawj Aloos kev ua tej yam ntxim saib ntxim ua no, ces cov tub hluas yuav tsum ua tej merid badges, rank advancement, thiab xyaum los ua tej yam thiab coj tej cwj pwm uas tau qhia hauv *Scouting*.

Xyaum ua ib yam dab tsi los sis sawv daws kev koom yam ntxim saib ntxim ua. Cov Hluas Kev Sib Koom tej zaum kuj muaj sij hawm rau cov tub hluas thiab ntxhais hluas los sib ntsib ua ke tom qab lawv hoob kawm los sis pawg pov thawj hwj ua tej yam ntxim saib ntxim ua tag lawm thiab. Lub sij hawm no muab siv los npaj los sis xyaum ua tej yam dab tsi rau ib qho tswj xeeb uas lawv yuav tau ua rau sawv daws saib, xyaum los sis koom kev ncaws pob ntaus pob, los sis sawv daws sib koom los ua ib yam ntxim saib ntxim ua.

Lub Ntsiab Lus rau Ib Xyoos

Txhua xyoo lub Koom Txoos lub hauv paus yuav muab cov ntaub ntawv uas hais txog lub ntsiab lus rau ib xyoos rau cov Hluas Kev Sib Koom xa mus rau cov thawj coj pov thawj hwj kom thiaj li muab qhia tau rau cov thawj coj rau cov hluas. Ces lub ntsiab no yuav muab siv los mus pab rau tej yam ntxim saib ntxim ua xws li kev ua la vooua yeeb yam, hais lus, ncaws pob ntaus pob, hu nkauj, los sis pab lwm tus. Tej kev npaj rau tej yam ntxim saib ntxim ces yuav tsum npaj thaum sib ntsib rau cov Hluas Kev Sib Koom.

Tej Ntaub Ntawv uas Muaj Kev Pab Ntxiv

Qhov nram no yog ib qho piv txwv txog ib daim ntawv uas yuav siv tau los pab npaj rau cov Hluas Kev Sib Koom:

Daim Ntawv Npaj rau Cov Hluas Kev Sib Koom

Hnub uas yuav muaj hmo rau cov Hluas Kev Sib Koom:

Tej yam uas ua thaum pib

Coj kav: _____

Coj kev: _____

Zaj nkauj hu pib: _____

Thov Vajtswv pib: _____

Nkauj (hu nkauj, xyaum hu ib zag nkauj tshiab):

Cov uas yuav hais lus: _____

Hoob kawm los sis pawg yam ntxim saib ntxim ua

**Xyaum ua ib yam dab tsi los sis sawv daws kev koom
yam ntxim saib ntxim ua (ua los tau tsis ua los tau)**

KEV QHIA TXOJ KEV UA THAWJ COJ TEJ NTSIAB CAI RAU COV HLUAS

Ib qho tseem ceeb ntawm ib tug tub hluas thiab ntxhais hluas txoj kev npaj los ua ib tug neeg tiav nkauj tiav nraug lawm yog txoj kev paub txog tej kev txawj ua thawj coj thiab ua tau zoo. Cov hluas hnuv no twb yuav yog cov niam, cov txiv, thiab cov thawj coj hauv lub Koom Txoos rau tag kis. Lub ntsiab tseem ceeb ntawm lub Pov Thawj Hwj Aloos thiab cov Ntxhais Hluas cov khoos kas ncau kom tau hom phiaj twb yog los pab kom cov hluas paub txog tej kev txawj ua thawj coj thiab ua tau zoo.



Niam txiv thiab cov thawj coj rau cov hluas yuav tsum siv tej khoos kas ncau kom tau hom phiaj los pab cov hluas kom paub txoj kev ua cov thawj coj hauv tsev, hauve tej pawg thiab tej hoob kawm, thiab hauv kev ntxim saib ntxim ua ntawm cov hluas kev sib koom. Piv txwv tias, cov hluas kawm tau kev ua thawj coj hauv tsev thaum lawv qhia ib lus qhia hauv tsev neeg hmo ua, coj kev rau tsev neeg txoj kev sib tham, npaj tsev neeg ib txog kev ntxim saib ntxim ua, los sis pab ib tug muam los sis kwv yau. Lawv kuj xyau tau los ua cov thawj coj thaum lawv npaj thiab ua kom tau raws li txoj kev npaj tseg rau tej yam ntxim saib ntxim ua hauv lawv pawg pov thawj thiab cov Ntxhais Hluas hoob kawm. Cov thawj coj yog tias muaj sij hawm ces cia cov hluas los kawm txoj kev ua thawj coj ntau li ntau tau.

Cov thawj coj ntawm lub Pov Thawj Hwj Aloos thiab cov Ntxhais Hluas muaj lub luag hauj lwm los qhia tej kev ua thawj coj hauv tej hoob kawm thiab hauv pawg thawj tswj hwm. Tej

kev qhia kom txawj no yeej qhia tau rau hauv pawg thawj tswj hwm tej kev sib ntsib.

Tej ntsiab cai ua thawj coj nram qab yuav tsum muab qhia rau cov hluas:

- Ua raws li tus Cawm Seej tus yam ntxwv.
- Xyaum ua tej yam uas cov thawj coj ua:
 - Kev ntseeg
 - Kev hlub
 - Kev mloog lus
 - Kev koom siab
 - Kev txi
- Ua kom tau tej hauj lwm uas cov thawj coj ua:
 - Nrhiav kev coj thiab cuab hom phiaj.
 - Npaj thiab hais kom lwm tus paj ua tej hauj lwm.
 - Npaj thiab siv ib daim ntawm qhia saib yuav sib tham txog dab tsi.
 - Muaj tej kev sib ntsib uas kom ua tau tej yam uas yuav tsum ua.
 - Mus koom thiab muaj tej kev sib ntsib rau tej pawg sab lasj uas kom ua tau tej yam uas yuav tsum ua.
 - Ua siab loj tias nej yeej yuav ua tau xwb xwb.

Muaj tej ntaub ntawv uas muaj kev pab rau cov niam txiv thiab cov thawj coj uas qhia cov tub hluas thiab ntxhais txog tej ntsiab cai ntawm kev ua thawj coj nyob rau hauv “Gospel Teaching and Leadership,” nyob ntawm feem 16 hauv *Church Handbook of Instructions, Book 2: Priesthood and Auxiliary Leaders* (35209) thiab hauv *Priesthood and Auxiliary Leaders’ Guidebook* (31178).

YEXUS KHETOS

LUB KOOM TXOOS

NTAWM TSOOM

HAIV NEEG NTSEEG

HAUV HNUB NYOOG KAWG

HMONG



36679 295